

**Latin Transliteration of the Equivalent of lines 245-298 of the Standard Edition in the Penn Tablet of the Old Babylonian Edition** (Source: Project Gutenberg - www.gutenberg.org)

**Column I**

- 1) it-bi-e-ma <sup>d</sup>Giš šú-na-tam i-pa-áš-šar
- 2) iz-za-kàr-am a-na um-mi-šú
- 3) um-mi i-na šá-at mu-ši-ti-ia
- 4) šá-am-ḥa-ku-ma at-ta-na-al-la-ak
- 5) i-na bi-ri-it it-lu-tim
- 6) ib-ba-šú-nim-ma ka-ka-bu šá-ma-i
- 7) [ki]-iṣ-rù šá A-nim im-ḵu-ut a-na ši-ri-ia
- 8) áš-ši-šú-ma ik-ta-bi-it e-li-ia
- 9) ú-ni-iš-šú-ma nu-uš-šá-šú ú-ul il-ti-'i
- 10) Uruk<sup>ki</sup> ma-tum pa-ḥi-ir e-li-šú
- 11) it-lu-tum ú-na-šá-ku ši-pi-šú
- 12) ú-um-mi-id-ma pu-ti
- 13) i-mi-du ia-ti
- 14) áš-ši-a-šú-ma ab-ba-la-áš-šú a-na ši-ri-ki
- 15) um-mi <sup>d</sup>Giš mu-di-a-at ka-la-ma
- 16) iz-za-kàr-am a-na <sup>d</sup>Giš
- 17) mi-in-di <sup>d</sup>Giš šá ki-ma ka-ti
- 18) i-na ši-ri i-wa-li-id-ma
- 19) ú-ra-ab-bi-šú šá-du-ú
- 20) ta-mar-šú-ma [kima Sal(?)] ta-ḥa-du at-ta
- 21) it-lu-tum ú-na-šá-ku ši-pi-šú
- 22) tí-iṭ-ṭi-ra-áš-[šú tu-ut]-tu-ú-ma
- 23) ta-tar-ra-[as-su] a-na ši-[ri]-ia
- 24) [uš]-ti-nim-ma i-ta-mar šá-ni-tam
- 25) [šú-na]-ta i-ta-wa-a-am a-na um-mi-šú
- 26) [um-mi] a-ta-mar šá-ni-tam
- 27) [šú-na-tu a-ta]-mar e-mi-a i-na su-ḵi-im
- 28) [šá Uruk]<sup>ki</sup> ri-bi-tim
- 29) ḥa-aš-ši-nu na-di-i-ma
- 30) e-li-šú pa-aḥ-ru
- 31) ḥa-aš-ši-nu-um-ma šá-ni bu-nu-šú
- 32) a-mur-šú-ma aḥ-ta-du a-na-ku
- 33) a-ra-am-šú-ma ki-ma áš-šá-tim
- 34) a-ḥa-ab-bu-ub el-šú
- 35) el-ki-šú-ma áš-ta-ka-an-šú
- 36) a-na a-ḥi-ia
- 37) um-mi <sup>d</sup>Giš mu-da-at [ka]-la-ma
- 38) [iz-za-kàr-am a-na <sup>d</sup>Giš]
- 39) [<sup>d</sup>Giš šá ta-mu-ru amêlu]
- 40) [ta-ḥa-ab-bu-ub ki-ma áš-šá-tim el-šú]
- 41) áš-šum uš-[ta]-ma-ḥa-ru it-ti-ka
- 42) <sup>d</sup>Giš šú-na-tam i-pa-šar